

TERZA SESSIONE STRASURDINARIA DI U 2026  
3EME SESSION EXTRAORDINAIRE DE 2026  
29 DI MAGHJU DI U 2026  
29 MAI 2026

2026/E3/025

**REPONSE DE MONSIEUR GILLES SIMEONI  
A LA QUESTION DEPOSEE PAR MONSIEUR JEAN NOEL PROFIZI  
AU NOM DU GROUPE « CORE IN FRONTE »**

**OBJET : Dialogu veru o riprissioni.**

Grazie signora Presidente.

Aghju da risponde eu chì sò statu l'anni scorsi incaricatu, in tantu chì Presidente di u Cunsigliu Esecutivu di Corsica, di purtà cù l'altri eletti di u Cunsigliu Esecutivu è di l'Assemblea sta parte necessaria è impurtantissima di e nostre rivendicazione.

A sapete è a vostra quistione permette di rammintala, chì a quistione di i prigiuneri pulitichi è di e seguite ghjudiziarie ch'elle sianu penale o civile pè e cundanne, anu sempre fattu parte, di manera diretta, di u perimetru di e discussione iniziate dopu à l'assassiniu di Yvan Colonna.

Aghju avutu l'uccasione di mintuala è di fala scrive di modu indirettu ma era chjaru à u livellu puliticu a prima volta ch'aghju incuntratu, eramu parecchi, Gerald Darmanin, quand'ellu ripartia di a so prima visita è quandu aghju fattu a scelta di ziffrà, solu cun ellu, u testu chì hà permessu dopu à u prucessu dettu di Beauvau d'ingaggiassi è di cuntinuà, era perchè avia accettatu d'integrà inde e discussione è negoziate da vene a quistione di i prigiuneri pulitichi.

Allora avà ghjunghjimu à l'ultimu d'issa passata è ci hà da esse una discussione davanti à l'assemblea naziunale francese chì hà da cumincià u 16 di ghjugnu. Sarà dunque l'uccasione per noi tutte è tutti è più particularmente per quelli chì sustenenu u prucessu è più particularmente per i nazionalisti ch'elli sianu inde a magiurità territoriale o ne l'opposizione di ramintà ciò ch'hè statu dettu è ciò ch'hè statu prumessu.

Per le prumesse, vogliu ramintà chì, cume l'avete fattu quandu hè venutu qui u ministru di a Ghjustizia Gerald Darmanin, ci hà dettu di modu chjaru chì sta quistione saria esaminata, micca da u parlamentu ma da u governu è chì l'affare di u FIJAIT frà altru è di e seguite di e cundanne sarianu regulate inde u quadru di u prucessu s'è stu prucessu cuntinuava.

Oghje simu à l'ultimu, emu da passà, pensu, in tutti i casi sarà u nostru casu, n'aghju parlatu cù u vostru presidente di gruppu è a ripetutu per l'altri nazionalisti è per tutti l'eletti, pensu ch'hè normale ch'è no' sianu quassù per l'utilme fase è tappe di u prucessu.

Dunque, anderemu in Parigi è averemu l'uccasione, a pensu, d'incuntrà, micca soli i deputati è senatori, ma dinù i membri di u governu frà i quali u ministru di a Ghjustizia postu chì quand'ellu si tratta di revisione cunstitutuzionale si sà chì u ministru di a Ghjustizia hè à u bancu di u governu. Po esse accompagnatu d'altri membri di u governu ma c'hè.

È dunque, averemo l'occasione, a spergu è a pensu, d'incuntrà à Gerald Darmanin è sarà l'occasione di ramintali inseme e so prumesse è di fà ch'è 'sse prumesse divintinu, infine, fatti è atti.